

“Hasa’e Kualidade Timór-oan nian no Prepara Jersaun Foun ba Futuru Dezenvolvimentu Timor-Leste”



BOLETIM TRIMESTRAL DO FDCH

PROPRIEDADE:

Ministério do Planeamento e Investimento Estratégico
(MPIE)

Fundo de Desenvolvimento do Capital Humano
(FDCH)

IMPRESSÃO:

Gráfica Nacional Timor-Leste (PCM)
Rua dos Direitos Humanos
Dili, Timor-Leste

TIRAGEM:

200 Exemplares

EDIÇÃO:

Janeiro - Março 2015

DIREITO DE AUTOR:

Protegido

PUBLICAÇÃO:

Secretariado Técnico do FDCH



Konteúdo

Lia Menon:	4
Editorial :	5
Objetivu harii FDCH :	7
Relatório Gastus (Janeiro - Maio 2015)	10
Kategoria Programa iha FDCH	14
Revista Universidade iha Filipina	18
Perfil Sekretariadu Técnico FDCH	20
Lensa FDCH	22

Lia Menon

Foto: <http://memoria.abc.com.br/agenciabrasil>



S.E. Sr. Kay Rala Xanana Gusmão

Ministro Planeamento e
Investimento Estratégico

Dezevolvimentu ba Rekursus umanus nu'udár pilar ida importante ba dezezolvimentu país doben ida ne'e. Timor-Leste presiza duni hasa'e kualidade no hametin kapasidade ninia ema sira hodi bele responde ba setór hotu-hotu ne'ebé ema kualifikadu la to'o atu hodi hahú tama iha setór empregu ne'ebé kompetitivu ka bele kria rasik empregu hodi mós bele em-prega tan ema barak.

Hanoin sira ne'e hotu, atan-ha'u hahú kedas iha IV Governu Konstitusionál hato'o ideia ba Parlamentu Nasionál atu kria ka estabelese fundu ida espesial ba dezezolvimentu rekursus umanus, atu nune'e, bele konsentra orsamentu ba atividade formasaun no bolsa estudus ba iha fundu ne'e hodi jere no tau matan ba lala'ok dezezolvimentu fundu ne'e nian, liuhosi konsellu ida hanaran Conselho de Administração do FDCH nian ne'ebé sei responsabiliza ba funsionamentu ka lala'ok programa atividade tomak iha fundu ne'e nian laran.

Iha Planu Estratéjiku Dezezolvimentu Nasionál (PEDN) husi 2011-2030, hatuur ba faze dahuluk (I) implementasaun rekursus umanus nian hahú husi 2011 – 2015 hamutuk ho setór infraestrutura bázika no sira seluk tan.

Timor-Leste hahú ona esforsu maka'as hodi estabelese Fundo de Desenvolvimento do Capital Humano (FDCH) atu responde ba ezijénsia no prioridade nasaun ne'e nian ba setór hotu-hotu liu-liu ba rekursu ema nian ne'ebé ita seidauk to'o atu prienxe hodi dezezolve no hadi'a ita-nia nasaun-nia ekonomia.

Parte ida importante, mak ha'u sempre ko'alia katak, Timor-Leste estadu frájlil, la'ós tanba ita ki'ak, maibé tanba ita nia instituisaun estadu sira sei fraku, tanba mós seidauk iha rekursus umanus ida forte.

Tanba ne'e, mak hahú husi V Governu Konstitusionál, ita mós hamosu ona polítika ida atu hala'o Diagnóstiku Nasionál ba ministériu tomak hodi haree ba kapasidade forsa no frakeza sira, atu ita bele hadi'a hamutuk liu-liu haree ba mákina estadu sira. Servisu nee, agora, iha VI Governu Konstitusionál ne'ebé lidera diretamente husi S.E. Dr. Rui de Araujo, Primeiru Ministru.

Parte seluk, hanesan Ministro do Planeamento e Investimento Estratégico (MPIE), prioridade ida ne'ebé ita hahú hala'o mak desentraliza ita-nia administrasaun ba Munisípiu sira. Atu halo ida ne'e mós, ita presiza rekursus umanus ida ne'ebé forte, atu nune'e, bele implementa ona planu no polítika tomak ne'ebé ita iha, hodi bele ajuda serbí povu doben ida ne'e ba moris di'ak, haktuir PEDN hanesan matadalan ba ita hotu atu dada ita ba haree povu-nia moris di'ak.

Ikusliu, ho Buletin dahuluk ne'ebé Sekretariadu Tékniku FDCH públika ne'e, hakarak divulga ba ita hotu, informasaun lala'ok fundu ne'e nian, haktuir iha Dekretu-Lei no. 12/2011, 23 Marsu, ba objetivu harii fundu ne'e atu jestaun jerál fundu ne'e nian bele mós transparente ba públiku sira.

Hein katak sani-nain sira hotu bele akompaña, liu-liu ba benefisiáriu sira no Instituisaun Akreditadu ba FDCH bele hamutuk fó hanoin nafatin ba malu, atu nune'e ita bele servisu hamutuk ba dezezolvimentu rekursus umanus ne'ebé integradu haktuir objetivu PEDN nian.

S.E. Sr. Kay Rala Xanana Gusmão
Ministro do Planeamento e Investimento Estratégico (MPIE)



Isménio Martins da Silva
Sekretáriu Ezekutivu

Fundo de Desenvolvimento do Capital Humano (FDCH) nu'udár entidade estadu ida ho karákteer Administrasaun Indireta, tutela ba Conselho de Administração (CA) FDCH nian (Prezide rasik husi S.E. Kay Rala Xanana Gusmão), tanba haktuir alterasaun ba Dekretu-Lei no. 12/2011, 23 Marsu iha artigu no. 3º & 6º ko'alia kona-ba kompozisaun CA-FDCH nian ne'ebé mós providensiadu husi Ministériu Planeamentu no Investimentu Estratéjiku (MPIE).

Ida ne'e signifika katak iha implementasaun projetu no programa sira hanesan formasaun profisionál, formasaun téknika, bolsa estudus no tipu formasaun sira seluk tan, iha ninia orsamentu rasik ba programas dezvoltamentu rekursus umanus, ho aprovasaun inisiál husi CA-FDCH, depois sei liuhosi Komisaun Revizaun Orsamentu Polítiku (KROP) prezide husi S.E. Primeiru Ministru RDTL no iha nia membru ida mak S.E. Ministra Finanzas hodi hamutuk diskute no aprova proposta orsamentál husi governu tomak, no depois mak sei liu no hetan aprovasaun finál husi Parlamentu Nasionál iha Uma-Fukun Povu nian ba diskusaun Orsamentu Jerál Estadu (OJE) ba fundus espesiais ne'ebé mak ikusmai sei promulgadu husi Prezidente Repúblika.

Iha Buletin edisaun dahuluk ne'e, Sekretariadu Tékniku FDCH hakarak konsentra, fahe no promove lala'ok servisu FDCH nian, atu ita hotu-hotu bele akompañia progresu pozitivu no dezafiu ba dezvoltamentu programas hirak ne'e.

Tanba haktuir iha Dekretu-Lei FDCH nian no. 12/2011, 23 Marsu, liu-liu iha Artigu 2o ko'alia kona-ba objetivu harii FDCH. Iha ne'ebá temi mós objetivu haat (4) hanesan tuir mai ne'e:

- 1) Asegura jestaun finanseira ba investimentu públiku iha área formasaun no dezvoltamentu rekursu umanu nasionál.
- 2) Garante seguransa negosiasaun, asinatura ba akordu no projetu plurianuais
- 3) Mantein verba orsamentu ne'ebé prevé ba Fundo de Desenvolvimento do Capital Humano iha finál tinan fiskál ho objetivu atu garante continuidade programa no projetu formasaun; no
- 4) Promove transparénsia no responsabilidade liuhosi mekanizmu no prosedimentu relatóriu no prestasaun servisu kona-ba prosesu ezekusaun programa formasaun no projetu dezvoltamentu kapitál umanu.

Bazeia ba objetivu no. 4 iha leten katak, hodi promove transparénsia fundu ne'e nian, mak nune'e, Sekretariadu FDCH tenta no esforsa aan atu fahe ba públiku sira liuhosi media eletróniku no mós husi buletin FDCH ninian rasik, servisu tomak ne'ebé iha.

Hein katak iha edisaun dahuluk ne'e, pelumenus, sani-nain sira sei hetan koñesimentu jerál kona-ba Sekretariadu Tékniku FDCH ho ninia estrutura, no ami sei esforsa nafatin, ho orientasaun no vizaun husi S.E. Sr. Kay Rala Xanana Gusmão – nu'udár Prezidente CA-FDCH no Ministru MPIE, hamutuk tan ho polítika husi VI Governu Konstitusionál, ami fiar katak, FDCH sei gradualmente responde ba nesesidade servisu iha área dezvoltamentu rekursus umanus iha Timor-Leste.

Obrigadu barak

Isménio Martins da Silva
Sekretáriu Ezekutivu FDCH

EDITORIAL

Sani na'in mak ami hahi, liu tiha tinan haat (4) Fundo de Desenvolvimento do Capital Humano (FDCH) estabese, ho orgulho prodús daudaun matenek lubuk ida iha área oin-oin. Dadus FDCH hatudu total bolseiru graduadu husi rai laran no rai li'ur iha tinan 2014 hamutuk 595 pessoas. Bolseirus ativu hamutuk 2149 pessoas, sura mós ho formasaun iha área profesionál, tékniku inklui ho tipu formasaun seluk hamutuk 18.010 beneficiarius.

Dezde harii FDCH, beneficiarius ba bolsa estudo soma hamutuk 3,300 espalla iha nasaun 15 inklui Timor-Leste. Nível estudo varia, husi Diploma (D1) to'o Doutoramentu (S3). Metade husi número bolseirus mai husi Ministériu Saúde. Maioria profissionais saúde continua hela sira-nia estudo inklui médiku especialista sira.

Priviléjiu boot ba Sekretariadu Tékniku FDCH ne'ebé sei continua jere fundu ne'e maske tenke rekoñese katak graduadu no formadu barak mak seidak koloka tuir sira nia área loloos, seidak iha estudo kle'an ida atu hatene rezultadu esperativu ba programa ne'ebé durante ne'e finansia husi FDCH. Tanba ne'e mak atu responde ba kestaun refere, Sekretariadu Tékniku FDCH iha tinan 2015 ne'e sei esforsu maka'as la'os deit hadi'a di'ak liután sistema pagamentu, maibé mós elabora daudaun ona planu "avaliasaun ba impaktu" husi fundu ne'ebé implementa tiha ona dezde 2011. Nune'e mós "mapeamentu dadus rekursu umanu nasi-onál" ba desenvolvimento iha setór públiku no privadu nu'udár referénsia ne'ebé sei bele tulun Conselho de Administração FDCH hodi identifika prioridades ba áreas formasaun iha futuro.

Servisu sira ne'e hotu sei publika sai nafatin ba públiku tomak hodi bele akompaña lala'ok fundu liuhosi Buletin Trimestral FDCH, inklui mós website no media sosial ne'ebé Sekretariadu Tékniku FDCH estabese.

Agradese ba ekipa tomak iha Sekretariadu FDCH ba kontribuisaun no tulun mak bele prodús Buletin Trimestral FDCH ba edisaun dahuluk. Buletin simples ida ne'e halo parte mós iha afirmasaun ba kompromisu servisu Sekretariadu FDCH ne'ebé haktuir iha artigo 2. Dekretu-Lei número 12/2011, 23 Marsu, alinea d) kona-ba promove transparénsia lala'ok FDCH nian ba públiku no povu Timor-Leste ne'ebé sai na'in ba fundu refere. (Antonio Febu)



Responsável Jerál :

Ismenio Martins da Silva, Sekretáriu Ezekutivu FDCH

Responsável Seksaun Jestaun Informasaun :

Eva da Costa, Koordinadóra SEGESI

Koordenadór SEPPEFI: **Paulo dos Santos**

Koordenadóra SISPA: **Alcina Madeira**

Konsultora: Ana Paula dos Santos

Responsável Redasaun: **Antonio Febu**

Kontribuidor:

Filomeno dos Santos Lay, Lucrecia D.P.

Editora Língua:

Maria Imaculada Dos Reis Piedade

Grafismu : **Aquino Vieira & Antonio Febu**

Jornalista, Fotógrafu & Editor:

Antonio Febu

Secretariado Técnico do Fundo de Desenvolvimento do Capital Humano (FDCH)

Edifísio MPIE Hudilaran-Fatuhada

Estrada Comoro Dili, Timor-Leste . Telefone +670

3310289/3310624 (Ext.113) email: info@fdch.gov.tl

www.fdc-hcdf.gov.tl





OBJETIVU HARIU FDCH

Fundo de Desenvolvimento do Capital Humano (FDCH) hariu ho Lei Parlamentu, kona-ba aprovasaun Orsamentu Jerál Estadu (OJE) ho no. 1/2011 husi Artigu 7o to'o Artigu 9o, 14 Fevereiro 2011, ho termus previstu iha Artigu 32o husi Lei Parlamentu no. 13/2009, 21 Outubru 2011, ne'ebé ko'alia kona-ba instrumentu atu konsentra hotu kompeténsia hodi determina, finansia no implementa polítika tomak governu nian ligadu ba desenvolvimento kualifikasaun, formasaun no kapasitasaun ba kapital umanu iha Timor-Leste.

FDCH mós Regulamentadu husi Dekretu-Lei no. 12/2011, 23 Marsu, no Diploma Ministerial no. 9/2011, 13 Abril, ne'ebé aprova Rejimentu Internu no Prosedimentus ba ezelesaun Conselho de Administração do Fundo de Desenvolvimento do Capital Humano (CA- FDCH), hanesan entidade ne'ebé responsável ba jestaun no administrasaun ba fundu ne'e. CA-FDCH hetan apoiu husi Sekretariadu Tékniku FDCH ida ne'ebé dezempeña servisu especializada atu halo koordinasaun tékniku ho orgaun governu ne'ebé iha nesesidade atu desenvolve programas no projetos ba desenvolvimento kapital umanu tuir áreas kompeténsia ida-idak.

Objetivu hariu FDCH

Fundo de Desenvolvimento do Capital Humano destina atu finansia programa no projetos plurianuais ba formasaun no

**“
Objetivu hariu
FDCH atu hasa'e
kualidade timór-
oan ohin nian no
prepara jersaun
foun ba futuro
desenvolvimento
país ne'e”.**

(S.E. Sr. Kay Rala Xanana Gusmão)

dezenvolvimentu rekursus umanus, liu-liu atu aumenta abilidade Timór-Oan liu-hosi formasaun profisionál iha setór estratéjiku ba desenvolvimento hanesan área Justisa, Saúde, Edukasaun, Infra-estrutura, Agrikultura, Turizmu, Jestaun Petrolíferu, Jestaun Finanseira no seluk tan, inklui programas atividade ne'ebé hala'o iha Timor-Leste no 'mós iha rai-li'ur, inklui mós programa bolsa estudos ba níveis universitários no pós-gradua-saun.

Iha Artigu 2o iha Dekretu-Lei no 12/2011, espesifikamente ko'alia kona-ba obje-tivu estabelesimentu Fundu, mak atu:

- 1). Asegura jestaun finanseira ba investimentu públiku iha área formasaun no desenvolvimento rekursu umanu nasionál.
- 2). Garante Seguransa ba negosiasaun no asinatura akordus, programas no projetus pluri-anuais.
- 3). Mantein verba orsamentu nian ne'ebé prevé ba FDCH iha final tinan fiskal ho objetivu atu garante continuidade programa no projektu for-masaun.
- 4). Promove transparénsia responsabilidade liuhosi mekanismu no prosedimentu ba sistema reporte no prestasaun kontas kona-ba prose-su ezekeusaun programa formasaun no projektu

dezenvolvimentu ba kapital umanu.

Signifika mós katak, objetivu harii fundu ne'e atu promove transparénsia no responsabilidade relasiona ho eze-kusaun programas no projetus finansia-du husi fundu ne'e, nune'e mós identifika regras ba funcionamentu CA-FDCH no prosedimentus relasiona ho ezekeusaun no kualidade programas. Iha reuniaun CA-FDCH, Presidente do Conselho, S.E. Kay Rala Xanana Gusmão, atuál Ministru MPIE, hateten "Objetivu harii FDCH atu hasa'e kualidade timór-oan no prepara jerasaun foun ba dezen-volvimentu país ne'e iha futuru".

Programas ne'ebé finansiadu husi FDCH

Conselho de Administração do Fundo de Desenvolvimento do Capital Humano (CA-FDCH) maka determina Programas Atividades 2015 ne'ebé fahe ba programas prinsi-pais neen (6) hanesan tuir mai ne'e:



1). Programa Formasaun Profisionál

Programa ne'e iha objetivu atu financia Liñas Ministeriais (LMs) hodi prepara no hasa'e kompeténsias ka skills Timór-Oan sira nian, liu-liu jovens feto no mane, bazeia ba ezijsénsia merkadu traballu. Maioria orsamentu ba programa SEPFOPE ninian integra hotu iha programa ne'e. Grupos beneficiários ba programa ne'e la'os de'it funcionários estado maibé públicos Timór-Oan hotu. Iha mós orsamen-tu ba formasaun especializada balun iha LM sira tama iha categoria ida ne'e.

2) Programa Formasaun Téknika

Programa ne'e fó apoiu tomak ba desenvolvimento kapasidade funcionários estado ka agentes estado tomak, liuliu ba formasaun especializada atu hadi'a liután sira-nia kapasidade, kompeténsia no matenek hodi kontribui no fasilita di'ak liután sira-nia servisu tuir áreas ida-idak.



3) Programa Bolsa Estudus

Programa ne'e benefisia Timór-Oan hotu, tantu husi setór públiku, setór privadu no'mós Timór-Oan hotu. Desdeke harii FDCH, benefisiárius soma hamutuk 3,300 espalladu iha 15 países inklui Timor-Leste ho nível estudu varia husi Diploma (D1) to'o Doutoramentu (S3). Kuaze metade husi númerus bolseirus mai husi Ministériu Saúde. Maioria profesionais saúde nian kontinua sira-nia estudos inklui médiku espesialista sira.



4) Tipu Formasaun Seluk

Programa ne'e destinadu atu fó apoio ba instituisoens; Seguransa, Defeza no Ministériu Públiku.

Iha mós LM balun nia programa ba kapasitasaun tama iha tipu formasaun ne'e. Bazeia ba Livru Orsamentu no 6, hahú kedas husi tinan fiskal 2011, wainhira fundu ne'e harii, tinan-tinan Sekretariadu FDCH elabora proposta kona-ba planu programas tomak ne'ebé mai husi LMs akreditadas ba fundu ne'e no apresenta ba CA-FDCH hodi hetan aprovasaun ba planus hirak ne'e, hafoin enkamiña ba Diresaun Jerál Finansas Estadu. Ministériu Finansas halo sumáriu no apresenta ba iha Komisaun Revizaun Orsamentu (CRO) prezididu husi Primeiru Ministru RDTL nu'udár Prezidente do CRO.

Hafoin aprovasaun husi CRO, proposta orsamentu sei lori ba iha Parlamentu Nasionál atu diskute no ikusmai hetan aprovasaun.

5) PROGRAMA FORMASAUN ASISTÉNSIA TÉCNICA BA ENSINU SUPERIOR UNTL.

Programa ne'e fó apoiu tomak ba desenvolvimento kapasidade ka fó apoiu ba qualidade Ensino Superior liuhosi hasa'e qualidade dosentes no kuadrus UNTL nian hodi hadi'a no desenvolve "para-Profesional" sira. Programa ne'e nia orsamentu sujere husi komisaun eventual Parlamentu Nasionál.



6) Programa Asisténsia Tékniku ba Judisiariu


Programa ne'e fó apoiu tomak ba desenvolvimento kapasidade ka apoiu ba qualidade autór judisial iha rai laran, instituisaun tolu hanesan Ministériu Justisa fornese formasaun profesionál, jestaun rekursu umanu iha área judisial. Tribunais desenvolve kapasidade servisu tribunal liuhosi formasaun ba programa sira iha área tribunal nian no Prokurador Jerál Repúblika fornese formasaun ba prokuradores no reforsa oficiais Judisial iha Timor-Leste.



Programa	Orsamentu Final 2011	Orsamentu Final 2012	Orsamentu Final 2013	Orsamentu Final 2014	Orsamentu Final 2015
TOTAL	25,000,000	37,448,000	42,448,000	40,000,000	\$41,084,000
810--Formasaun Profisionál	4,810,000	10,256,000	4,843,000	10,116,000	\$10,119,320
811--Formasaun Técnica	3,371,000	4,116,000	3,100,000	4,549,000	\$3,797,999
812--Bolsa Estudus	12,952,000	13,126,000	23,260,000	22,214,000	\$15,940,005
813-- Tipu Formasaun Seluk	3,867,000	9,950,000	11,245,000	3,121,000	\$2,242,676
922 - Asisténsia Técnica ba setór Judisial	-	-	-	-	\$5,010,000
923 - Asisténsia Técnica ba Edukasaun Tersíaria					\$3,974,000


RELATÓRIU FREE BALANCE MAIU 2015

PROGRAMAS	Final Budget in 2015	Despesas em dinheiro (22 de Maio)	Compromiso (22 de Maio)	Obrigações (22 de Maio)	SUB TOTAL	%
810 - Formasaun Profisionál	\$10,119,320	2,121,000	301,000	809,000	3,231,000	32%
811 - Formasaun Técnica	\$3,797,999	218,000	55,000	116,000	389,000	10%
812 - Bolsa Estudus	\$15,940,005	5,037,000	513,000	702,000	6,252,000	39%
813 - Tipu Formasaun Seluk	\$2,242,676	248,000	125,000	113,000	486,000	22%
922 - Asisténsia Técnica ba setór Judisial	\$5,010,000	137,000	203,000	109,000	449,000	9%
923 - Asisténsia Técnica ba Edukasaun Tersíaria	\$3,974,000	241,000			241,000	6%
					\$11,048,000	
TOTAL ORSAMENTU	\$41,084,000					
BALANSU	\$30,036,000					27%



Relatório Gastos Jan-Maiú Kada Instituisaun – 2015

No.	Instituisaun	Orsanmentu Final Ba 2015 (inklui Rollover)	Persentajen	Gastos ate 22 Maiú 2015 (Freebalance)	% Gastos
1	Gabinete Prezidência Repúblika – GPR	103,000	0.25%		
2	Gabinete Primeiru Ministru – GPM	100,000	0.24%		
3	Prokuradoria Jerál República – PGR	673,800	1.64%	6,000	1%
4	Prezidência Konsellu Ministru - PCM	100,000	0.24%	99,000	99%
5	Ministériu Finanzas (Dir. Jerál Servíus Kooperatíus)	2,050,000	4.99%	399,000	19%
6	Ministériu Justisa – MJ	4,800,000	11.68%	304,000	6%
7	Ministériu Edukasaun	9,422,625	22.94%	2,327,000	25%
8	Ministériu Petróleu no Rekursus Minerais – MPRM	2,300,000	5.60%	302,000	13%
9	Min. Negósius Estranjeirus no Kooperasoens –MNEC	180,000	0.44%		
10	Min. Transportes no Komunikaensoens -MTC	300,000	0.73%		
11	Min. Komérsiu Indústriá no Ambiente – MCIA	150,000	0.37%		
12	Sek Estadu Dezenvolvimentu Lokál - SEDL/MAE	200,000	0.49%		
13	Ministériu Turizmu - MT	100,000	0.24%		
14	Ministériu Agrikultura, Floresta no Peskas - MAFP	330,000	0.80%	14,000	4%
15	Ministériu Saúde – MS	2,600,000	6.33%	587,000	23%
16	MOP	450,000	1.10%	61,000	14%
17	MSS	102,000	0.25%		0%
18	SEPFOPE	3,140,000	7.64%	694,000	22%
19	SES	110,000	0.27%	38,000	35%
20	SED	100,000	0.24%		
21	SEPI	150,000	0.37%	40,000	27%
22	F-FDTL	1,185,000	2.88%	548,000	46%
23	PNTL	350,000	0.85%	112,000	32%
24	SEJD	261,676	0.64%	74,000	28%
25	SECOMS	210,000	0.51%	20,000	10%
26	SEAPRI	174,899	0.43%		
27	SEAC	150,000	0.37%	12,000	8%
28	INAP	2,200,000	5.35%	383,000	17%
29	IGE	450,000	1.10%	10,000	2%
30	CAC	300,000	0.73%	242,000	81%
31	UNTL	4,574,000	11.13%	1,285,000	28%
32	RTTL	215,000	0.52%	65,000	30%





Ministério do Planeamento e Investimento Estratégico - MPIE
Secretariado Técnico
Fundo de Desenvolvimento do Capital Humano - FDCH

1ª Reunião Técnica do FDCH atu hametin koordinasaun ho Linhas Ministeriais ba plano iha 2015 no hare perspetiva jeral ba resultado implementasaun programa sira

Dili, Sexta-Feira, 10 de Abril de 2015



sizaun ruma, uainhira simu proposta foun tinan-tinan no mós sai hanesan informasaun ba públiku kona-ba nia rezultadu, haktuir iha Artigu 2º iha Dekretu-Lei no. 12/2011, 23 Marsu. Sekretariadu FDCH sei hato'o proposta atividade rua (2) ba Conselho de Administração do FDCH atu hala'o iha tinan fiskal 2015, mak hanesan:

Apoiu ba Proposta Peskizador Timór-Oan

Atu bele insentiva no hahú kuda kultura hakerek ba matenek na'in Timór-Oan sira. Estadu RDTL liuhosi governu presiza fó apoiu ba individuu, instituisaun ka grupu hirak ne'ebé iha iniciativa di'ak halo peskiza ho tópiu ne'ebé interesante no importante ba Timor-Leste. Rezultadu peskiza tenke benefisia povu Timor-Leste, ne'ebé peskiza sira sei kolabora no hetan rekomendasaun husi Instituisaun Estadu ka Liñas Ministeriais uainhira tópiu peskiza ligadu

ho sira-nia área kompeténsia. Sei kria matadalan ka giaun ida nu'udar proposta husi Sekretariadu FDCH ba CA-FDCH, hodi revé no bele akonsella di'ak liután ideia ka planu ne'ebé temi.

Prémio Rekursus Umanus FDCH

Prémio Rekursus Umanus iha objetivu atu fó motivasaun ba instituisaun sira no individuu nu'udar grupu alvu ka beneficiários husi FDCH. Ida ne'e bele fó inspirasaun ba ema seluk atu dezempeña di'ak liután responsabilidade ne'ebé tau ba sira, no hadi'a qualidade moris ba jersaun agora no 'mós ba iha futuro.

Kritériu no kategorias ba prémio sei elabora no hatama ba CA-FDCH hodi aprova molok implementa.

Ezemplu ba Categoria Prémio:

a). Estudante Graduadu ho valores di'ak liu. b). Individuu ka instituisaun ne'ebé halo peskiza di'ak liu. c). Instituisaun ne'ebé ezekeuta ninia programa iha FDCH ho qualidade no disiplina. d). Graduadu husi determinada formasaun ne'ebé implementa duni abildades ne'ebé nia hetan, no seluk tan.

Planu Matadalan ba Bolsa Estudu

Sekretariadu sei halo mós planu matadalan ida ba bolsa estudu, atu define regras, kritériu ba kandidatu sira ne'ebé hakarak kontinua estudu iha nível universitariu, tuir Dekretu Lei No. 30/2008 refere espesífiku ba atribuisaun bolsa estudus. Nune'e mós Dekretu-Lei No. 40/2008 kona-ba lisensa funsionáriu públiku atu ba estuda.

Tipu Pagamentu iha FDCH

A

LIVING ALLOWANCE/ KUSTUDE VIDA BA BOLSEIRUS

Dokumentus Rekizitadus :

- 1) Kontratu entre bolseiru ho instituisaun refere
- 2) Pasaporte ho Kartaun Eleitoral
- 3) Númeru konta bankária (tenke ativu)
- 4) Swift Code/ BSB # ka no IBAN
- 5) Pedidu pagamentu (asina husi Ministru/ Sekretáriu Estadu/Responsável má simu ba instituisaun
- 6) Selu ba grupu (tenke fahe tuir banku ne'ebé?)
- 7) Notas/valor estudu/ KHS/transcript

D

VIZITA MISAUN OFISIAL (SELEBRA Akordu, BA VIZITA FORMANDOS NO Bolseirus)

Dokumentus Rekizitadus :

- 1) Karta autorizasaun/ despaxude viajen husi Superior (DG/Membru Governu depende ba pozisaun iha LM sira)
- 2) Pagamentu perdiem sei bazeia ba Journal República (desizaun husi autoridade competente)
- 3) Pasaporte ho Kartaun Eleitoral
- 4) Númeru konta bankária pesoal/ instituisaun (tenke ativu)
- 5) Swift Code/ BSB # ka no IBAN
- 6) Pedidu pagamentu (asina husi Ministru/Sekretáriu Estadu/Responsável másimu ba instituisaun

B

SUBSÍDIU INDIVIDUAIS (FINALIS TA/ VETERANUS/ VETERANUS-NIA OAN/ PESOAL VULNERÁVEIS)

Dokumentus Rekizitadus :

- 1) Akordu entre instituisaun ho ema ne'ebé hetan subsídiu
- 2) Karta despaxu husi autoridade competente
- 3) Pasaporte ho Kartaun Eleitoral
- 4) Númeru konta bankária (tenke ativu)
- 5) Sertifikadu ne'ebé prova katak estudante ne'e estuda hela (husi eskola)
- 6) Swift Code/ BSB # ka no IBAN
- 7) Pedidu pagamentu (asina husi Ministru Sekretáriu Estadu/Responsável másimu ba instituisaun

E

PAGAMENTU BA ATIVIDADES FORMASAUN

Dokumentus Rekizitadus :

- 1) Karta despaxu husi autoridade competente
- 2) Invoice (se bele, tenke iha logo/ stamp kom pañia)
- 3) Asuntu Aproxionamentu sei konsentra hotu iha Sekretariado Tékniku do FDCH
- 4) Aneksa perfil kompañia (inklui Sertidaun Dívida, TIN ne'ebé válido)
- 5) Konta Bankária Kompañia
- 6) Swift Code/ BSB # ka no IBAN
- 7) Pedidu pagamentu (asina husi Ministru/ Sekretáriu Estadu/Responsável másimu ba instituisaun

C

PROSESU VIAJEN BA RAI LIUR – BILLETE VIAJEN

Dokumentus Rekizitadus :

- 1) Karta autorizasaun/ despaxude viajen husi Superior (DG/Membru Governu depende ba pozisaun iha LM sira)
- 2) Pasaporte ho Kartaun Eleitoral
- 3) Asuntu Aproxionamentu sei konsentra hotu iha Sekretariado Tékniku FDCH
- 4) Swift Code/ BSB # ka no IBAN
- 5) Pedidu pagamentu (asina husi Ministru/Sekretáriu Estadu/Responsável másimu ba instituisaun

F


SELU SALÁRIU KA INSENTIVU BA FORMADORES

Dokumentus Rekizitadus:


- 1) Kontratu Servisu entre instituisaun ho pesoal
- 2) Pasaporte ho Kartaun Eleitoral (depende ba Nasionalidade)
- 3) Konta Bankária Pesoal
- 4) Swift Code/ BSB # ka no IBAN
- 5) Lista prezensa ho aprovasaun husi Superior LM nian
- 6) Pedidu pagamentu (asina husi Ministru/ Sekretáriu Estadu/Responsável másimu ba instituisaun.


Dokumentus hotu tenke hatama ba Sekretariado Tékniku FDCH lora 20 antesde formasaun hahú .

Sistema Flow ba Pagamentu



Organigrama - Prosesu Jerál ba Sistema Pagamentu







REVISTA:

Universidade iha Filipina

Iha edisaun dahuluk Buletin FDCH sei halo revista ba universidade akreditadu sira iha nasaun Filipina. Nasaun ne'e mós nu'udár fatin estuda ba bolseiru Timor-Oan, hafoin Presidente Ramos Horta ho ninia Homólogo Presidente Gloria Arroyo asina akordu kooperasaun iha Manila, fulan Agostu 2008.

Estuda iha Filipina sei hetan multi esperiênsia ida ne'ebé folin tebes, la'ós deit esperiênsia akadémiku maibé mós esperiênsia atu aprende kona-ba kultura ne'ebé la'o iha Filipina.

Filipina nu'udár únika nasaun iha Ázia ne'ebé adopta life style husi nasoens Europa. Filipina-nia sistema edukasaun orienta liu ba sistema edukasaun husi Estados Unidos Amérika.

Kulinária oinoin iha kampus sira iha Filipina. Maibé maioria hahán sira husi Europa nian hanesan Spaghetti, Pizza, hamburger, hot dog no seluk tan ne'ebé lais atu serbi estudante sira. Aleinde ne'e iha mós hahán idéntiku ho tipu Ázia nian ne'ebé Timór-oan sira bele adapta.

Prestasaun Universidade

Filipina ho nia populasan livre husi analfabetu kuaze porsentu 97, aas liu kompara ho nasaun Ázia sira seluk, nasaun ne'e mós uza lia inglés hanesan lian ba daruak iha sira-nia atividade loroloron nian hafoin lia Tagalog. Produtividade no kualidade universidade sira iha Filipina nian atrai estudante barak husi rai li'ur hanesan Korea do Súl, Afrika, Iran, Indonézia, Amérika inklui Bolseiru Timor-Oan.


Tuir mai informasaun jerál kona-ba universidade balun ne'ebé Redasuan rekolla husi sítio ofisiál universidade sira iha nasaun Filipina. (kompletu liu bele vizita diretamente website ofisiál ka Wikipedia)

1. University of the Philippines (UP)

Nu'udár Universidade Nasionál Filipina ne'ebé harii desde tinan



Universidade UP
(foto wikipedia)



Universidade ADMU
(foto wikipedia)



Universidade MIT
(foto wikipedia)

1908, prodús ona matenek na'in lubuk ida, Presidente Filipina na'in 7, Sientista Nasionál na'in 34, Xefe Justisa 13, Artista Nasionál na'in 38, universidade ne'e mós hanesan universidade ida husi universidade 3 ne'ebé hetan rekoñesimentu husi **Ramon Magsaysay Awards**. maske iha departamentu oioin maibé estudante barak mak hili siénsia sosiál no medisina, universidade ne'e kuaze harii iha territóriu Filipina tomak. (<http://www.up.edu.ph/>)

2. Ateneo de Manila University (ADMU)

Universidade ne'e estabelese iha tinan 1859 husi Jezuita sira, nu'udár universidade ida husi universidade tolu ne'ebé tuan liu iha Filipina. Prodús matenek na'in lubuk ida, alumni sira balun hanesan Heroi Nasionál Jose Rizal, presidente sira mak hanesan Benigno Aquino III, Gloria Macapagal Arroyo, Joseph Estrada, Fidel Ramós no Corazon Aquino, aleinde ne'e sientista, polítiku na'in, Bisnismen, artista no seluk tan. Universidade ne'e simu prémiu IV ba Re-Accredited School, College no University iha tinan 2011. Departamentu Favoritu mak Lia Inglés & Literatura, Lei, Medicina aleinde departamentu sira seluk. (<http://www.admu.edu.ph/>)

3. Mapua Institute of Technology:

Mapua Institute of Technology (MIT) harii husi Thomas Mapua, iha 25 Janeiru 1925, MIT nu'udár institutu enxeñaria dahuluk iha Filipina. Famoza iha área Teknolojia no Eskola Técnica boot liu iha Filipina. MIT nu'udár Institutu Teknolojia dahuluk iha Sudueste Asiátiku ne'ebé hetan sertifikadu internasionál ABET (Accreditation Board for Engineering and Technology). Aleinde área enxeñaria ho Arkitetura, MIT oferese mós área estudu seluk hanesan Digital Cinema, Multimedia no seluk tan. (www.mit.edu.ph/)

4. De La Salle University (DLSU)

Universidade ne'e harii iha tinan 1911, nu'udár universidade dahuluk iha Filipina ne'ebé oferese área estudu Animation, Cinematography, Arte no Multimedia nian, akreditadu no fornese klase ho estandarte internasionál iha área sira hanesan multimedia nian, aleinde ne'e iha mós departamentu favoritu hanesan Medicina. (<http://www.dlsu.edu.ph/>)

Aleinde Universidade haat ne'e, Bolseiru sira ne'ebé finansia husi FDCH estuda mós iha universidade sira hanesan: Centro Escolar University, Angeles University, Lyceum University, Miriam College Foundation, University of East, Philippine State college of Aeronautics, Benguet State University no Adamson University. (fontes oi-oín, Internet)



Universidade DSLU
(foto wikipedia)



Perfíl Sekretariadu Tékniku FDCH

1. Sekretáriu Ezekutivu

Papél ba Sekretáriu Ezekutivu mak atu haree no tau matan ka responsável ba servisu tomak ne'ebé iha sekretariadu FDCH haktuir Dekretu-Lei número 12/2011, 23 Marsu, no iha diploma ministerial Primeiru Ministru nian no. 09/2011, 2013 Abril ne'ebé ko'alia kona-ba rejimentu internu no prosedimentu ba funsionamentu Sekretariadu Fundo de Desenvolvimento do Capital Humano (FDCH)

Iha mós Dekretu-Lei no. 06/GM-ME/IV/2014 ne'ebé relasiona ho nomeasaun ba Sekretáriu Ezekutivu FDCH. Signifika katak Sekretáriu Ezekutivu iha ninia papél no mandatu ida ne'ebé signifika atu tau matan ba dezvoltamentu ba rekursus umanus no kualifikasaun tomak iha Timor-Leste.

2. Seksaun Planu Peskiza & Fiskaliza-saun - SEPPEFI

Seksaun ida ne'e nia servisu atu ajuda Sekretáriu Ezekutivu hodi dezvoltave planu anual, trimestral no semanal iha Sekretariadu ninian ba tinan-tinan, inklui servisu hamutuk ho Instituisaun Akreditadu hodi haree ba sira-nia orsamentu iha livru 6 ne'ebé haktuir mandatu ne'ebé fó husi lei hodi haree ba programa; forma-

saun profisionál, formasaun téknika, bolsa estudus, tipus formasaun seluk, asisténsia téknika ba UNTL iha área ensinu superior no mós asisténsia téknika ba área justisa ka judisiáriu.

Iha implementasaun, seksaun mós sei fó tulun ba Sekretáriu Ezekutivu hodi halo estudu avaliasaun ba impaku, hatudu prioridade ba rekursus umanus nasional, estudu importante sira seluk.

3. Seksaun Sistema ba Pagamentu - SISPA

Seksaun ne'e nia servisu foka liu ba preparasaun no halo prosesu pagamentu ba instituisaun akreditadu ba FDCH ne'ebé aprova husi CA FDCH ne'ebé nia orsamentu aprova tinan-tinan iha diskusaun OGE iha Parlamentu Nasionál, Promulgadu husi Prezidente da República, no sei hakerek hotu iha livru 6 (livru orsamentu nian ne'ebé sei hasai husi Ministériu Finanzas)


Pagamentu hotu tenke tuir Kritéria ne'ebé sita iha livru orsamentu (livru 6), haktuir iha Dekretu-Lei Governu no. 1 tinan-tinan ne'ebé ko'alia kona-ba prosedimentu finansas públikas no regra ezeekusaun Orsamentu Jerál Estadu , liuliu iha artigu 14 ne'ebé foka ba regra FDCH ninian. Ida ne'e

sei reforsa tan ho matadalan servisu iha Sekretariadu Tékniku FDCH atu nune'e Liñas Ministeriais ka Instituisaun Akreditadu sira bele halo tuir hodi nune'e sei ajuda iha ezeekusaun orsamentu tinan-tinan ba governu tomak, liuliu ba benefisiáriu timór-oan sira no automatikamente sei ajuda dezvoltave rekursus umanus timór-oan ne'ebé sei kualifikadu hodi responde ba ezejénsia merkadu traballu nian atu hadi'a moris iha rai doben ne'e.

4. Seksaun Jestaun ba Sistema Informasaun – SEGESI

Atu garante dados ba número benefisiáriu tomak ne'ebé di'ak no transparente; seksaun ne'e sei dezempeña mós servisu krusial ba Sekretariadu FDCH hodi ajuda iha sistema relatóriu ba CA-FDCH no mós ba públiku Timór-Oan sira.

Haktuir objetivu hodi harii FDCH hanesan iha Dekretu-Lei no 12/2011 iha artigu no 2, alínea d katak: “ promove transparénsia no responsabilidade liuhosi hadi'a sistema reporte no prestasaun kontas kona-ba ezeekusaun programas no projetus formasaun dezvoltamentu kapital umanu”.



5. Seksaun Aprovizionamentu no Lojistiku - SEAPLO

Seksaun SEAPLO estabesele atu garante prosesu aprovizionamentu ne'ebé ligadu ho programa formasaun sira ne'ebé finansia husi FDCH, seksaun ne'e mós sei fó apoiu lojistiku ba servisu operasionál Sekretariadu FDCH.*



Deskrisaun ka signifikadu husi logo ofisiál FDCH:

Kór iha logo FDCH representa bandeira RDTL hanesan; Mutin, Mean, Kinur no Metan.

Símbolu :

Letras FDCH Representa naran instituisaun Sekretariadu Tékniku FDCH


Kaebauk símbolu ne'ebé indika ba ulun, refere ba IQ (Intelligent Quest) matenek/sabedoria.

Xapeu Graduadu representa graduadu iha nível ensinu tersiáriu

Vistu representa símbolu kompeténsia ba formasaun profisionál

Livru nu'udár fonte ba siénsia

Belak tara ho tali mean representa neon forte, karáktar di'ak, serbi ho fuan ba desenvolvimento. Belak mós reflata ba EQ (Emotional Quest) indíviduu ida nian.



Komisaun C Parlamentu Nasionál:

Sekretariadu Tékniku FDCH halo aprezen-
tasaun ba Komisaun C Parlamentu Nasionál
kona-ba lala'ok Fundo Dezenvolvimento
do Capital Humano hahú husi tinan 2011
-2015.



Reuniaun Sessaun Traballu:

Reuniaun Sessaun Traballu ho Liñas Min-
isteriais/Instituisaun Akreditadu ba Fundo
Dezenvolvimento do Capital Humano, ko-
na-ba oinsá LM/IA sira bele ezejuta fundu
tuir regras ne'ebé vigor iha Sekretariadu
Tékniku FDCH. Kuaze Liñas Ministeriais ha-
mutuk 35 mak hola parte iha reuniaun ne'e.



Sekretariadu Tékniku FDCH

foti iniciativa hasoru Ministériu/Instituis-
aun foun sira ne'ebé foin akreditadu ba
Fundu hodi esplika klean liután kona-ba
oinsá prosesu ezejutaun ba fundu refere,
hodi nune'e bele garante implementasaun
orsamentu ne'ebé alokadu husi Sekretar-
iadu Tékniku FDCH ba Liñas Ministeriais/
Instituisaun Akreditadu sira. (foto aprezen-
tasaun ekipa Sekretariadu Tékniku FDCH
ho Diretór Jerál no Diretór Nasionál husi
Ministériu Solidariedade Sosiál.



Sekretariadu Tékniku FDCH

halo sorumutu ho Representante husi Em-
baixada Australia hodi ko'alia kona-ba futu-
ru kooperasaun iha área dezenvolvimentu
rekursu umanu nasional.

Sekretariadu Tékniku FDCH

halo sorumutu ho Asia Development Bank (ADB) kona-ba futuru kooperasaun iha área dezvoltimentu rekursu umanu no mós diskusaun atu estabesele "Human Resource Development Working Group"/ Grupu Servisu ba Dezenvolvimentu Rekursu Umanu.



Sekretariadu Tékniku FDCH

Buka possibilidade atu hetan apoiu husi parseiru sira hodi reforsa planu impact assessment no mapeamentu ba rekursu umanu ne'ebé Sekretariadu Tékniku FDCH rasik sei halo iha tinan 2015 nia laran.



Entrevista Eskluzivu RTTL:

Iha loran komemorasaun ba aniversáriu dahaat (2011-2015) 23 Marsu ne'e, Sekretáriu Ezekutivu FDCH hetan oportunidade entrevista eskluzivu ba programa Eskluzivu iha kanal Televizaun Timor-Leste (RTTL) nu'udár parte promosaun ba servisu Sekretariadu Tékniku FDCH



Workshop Dahuluk HRD Working Group :

Sekretariadu Tékniku FDCH halo Enkontru ho parseiru husi embaixada no NGO sira kona-ba "Human Resources Development Working Group" ho objetivu atu bele servisu hamutuk hodi hametin koordinasaun hodi hasa'e rekursu umanu liuhosi programa ka projetu sira ne'ebé kada entidade hala'o ona ka atu hala'o.



Telekonferência:

Sekretariadu Tékniku FDCH halo sorumutu ho Responsável "Australia Awards" iha Dili no halo diskusaun via telekonferensia kona-ba oinsá atu estabelese servisu hamutuk iha área impact assesment ho mapementu ba rekursu umanu iha Timor-Leste ne'ebé tuir planu sei hala'o iha tinan 2015.



Asina Akordu Tékniku:

Sekretáriu Ezekutivu FDCH, Adidu Edukasaun RDTL iha Portugal, akompaña INAP-CFP hodi asina akordu tékniku ho ISCP – Universidade de Lisboa Portugal iha fulan Agosto 2014



Reuniaun Téknika I :

Sekretariadu Tékniku FDCH halo Reuniun Téknika ba dahuluk atu hametin koordinasaun ho liñas Ministeriais ba planu 2015 no haree prespektiva jerál ba rezultadu implementasaun programa sira ne'ebé iha FDCH, reuniaun ne'e Diriji husi Ministru Planeamentu no Investimentu Estratéjiku (MPIE) S.E. Sr. Kay Rala Xanana Gusmão



Sesaun foto hamutuk staf Sekretariadu Tékniku FDCH hafoin Reuniun Téknika ho liñas Ministeriais kona-ba prespektiva jerál ba rezultadu implementasaun programa sira ne'ebé finansia husi FDCH





foto:website IALF

Graduasaun Kursu Lia Inglés:

Sesaun foto hamutuk staf Sekretariadu Tékniku FDCH no formadu sira husi liñas Ministeriais ne'ebé partisipa kursu lian ingl és IALF Bali Indonézia.



Entrega Relatóriu Anual FDCH:

Ekpa Sekretariadu Tékniku FDCH hasoru malu ho Ministru Edukasaun Fernando Lasama Araujo ho Vise Ministra Dulce Jesus Soares, hodi informa kona-ba lala'ok FDCH no entrega relatóriu anual



Estudu Avaliasaun Impaktu:

Sekretariadu Tékniku FDCH Hamutuk ho Peritu nain rua husi Australia ne'ebé dezeña estratéjia ba "estudu avaliasaun impaktu" no Mapeamentu ba rekursu umanu nasionál, tuir planu estudu ne'e sei lansa iha fulan Juñu 2015.



Enkontru Asuntu Bolseiru:

Sesaun foto hamutuk Sekretáriu Ezekuti vu FDCH ho Primeiru Ministru Dr. Rui Maria Araujo, Ministru Edukasaun, Ministru Obras Públicas, Transportes no Telekomunikas-ens, Vise Ministru Negósius Estranjeirus, Embaixadóra Portugal, Embaixadór Filipina, Adidu Edukasaun no Koordinadóra Sistema Pagamentu FDCH hafoin diskusaun kona-ba asuntu bolseiru sira iha Portugal no oinsá estabeselese mekanizmu pagamentu ne'ebé di'ak iha futuro.

Membru Sekretariadu Tékniku FDCH



Ismenio M da Silva -
Sekretariu Ezekutivu



Paulo M dos Santos -
Koord. SEPPEFI



Alcina Madeira -
Koord. SISPA



Eva da Costa -
Koord. SEGESI



Henrique do Rosario -
Koord. SEAPLO



Leila C. dos Santos -
Asistente Prinsipál &
Rekursu Umanu



Domingos Fernandes-
Tékniku Profisionál
Pagamentu



Filomeno R. dos Sntos
Lay - Tékniku Profisionál
SEPPEFI



Fernando do
Nascimento -
Tékniku Prof. Pagamentu



Aderito Soares -
Tékniku Prof. Pagamentu



Antonio Febu -
Media & Relasoens
Publikas (SEGESI)



Eusebio A.G.G
Barreto-
Tékniku Prof. SEAPLO



Lucia Ximenes -
Tékniku Adm. SISPA



Josefina G. do Nasci-
mento - Tékniku Adm.
SISPA



Emilia Martins -
Tékniku Adm. SISPA



Maria Rosa Soares
Pinto -Tékniku Adm. SISPA



Anastacia do Espirito
Tékniku Adm. SISPA



Lucrecia D.P. dos
Santos - Tékniku Baziku
SEPPEFI



Francisca L. Gomes -
Tékniku Baziku SEAPLO



Ligia Britis F. Alves -
Tékniku Adm. SISPA



Marcelina dos Santos
Soares - Tékniku Bazi-
ku SISPA



Azinha Marques -
Tékniku Baziku SISPA



Maria I. dos Reis
Piedade -
Téknika Superiora ba Lingua



Lucas Tilman -
Motorista



Agustinha Barros -
Cleaner




Antonio de Araujo
Sarmento - Seguransa



Joao Babtista -
Seguransa



Jose Celestino Bento -
Motorista



Ana Paula dos Santos -
Konsultora Téknika

SEPPEFI : Seksaun Planu, Peskiza no Fiskalizasaun
SEGESI : Seksaun Jestaun Sistema Informasaun
SISPA : Seksaun Sistema Pagamentu
SEAPLO : Seksaun Aprovezionamentu no Lojistika

EDUKASAUN mak ROMAN ba FUTURU



**MINISTÉRIO DO PLANEAMENTO E
INVESTIMENTO ESTRATÉGICO
(MPIE)**



**SECRETARIADO TÉCNICO DO FUNDO DE DESENVOLVIMENTO
DO CAPITAL HUMANO (FDCH)**

Edifísiu MPIE Hudilaran-Fatuhada
Estrada Comoro Dili, Timor-Leste . Telemóvel +670
3310289/3310624 (Ext. 113) email: info@fdch.gov.tl
www.fdch-hcdf.gov.tl